



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Clerico Per Saltvm promot. Titulus XXIX.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

1020 ANALYS. IVRIS PONTIFICII
DE CLERICO PER SALTVM
promoto.

Titulus XXIX.

*Quis clericus dicitur per saltum promotus? Et
qua huius poena?*

Per saltum promoueri dicitur clericus, qui non gra-
datim, sed præposterè aliquibus ordinibus interme-
dijs intermissis, ad ordines ascendit. Et tunc si in or-
dine recepto ministret scienter, pari poena, quæ in cleri-
cum non ordinatum ministrantem, constituta est, puni-
tur. Quòd si autem ignoranter, putans, scilicet, se pro-
motum, cum ex aliorum assertione contrarium appa-
reat, iniuncta poenitentia, cum dispensatione caute sup-
plebitur, quod incautè omissum est, c. vnico, extr. eo. &
c. Ecclesia, dist. 1. de conse.

DE EO QVI ORDINEM FVR-
titiuè suscepit.

Titulus XXX.

*Quis dicitur furtitiuè Ordines suscepisse? Et quo-
modo punitur?*

Clericus furtitiuè ordinatus dicitur tribus modis:
1. si clam cum alijs se intruset, cum quibus promouetur, c. quando Episcopus, dist. 24. 2. Si plures si-
mul Ordines vno tempore suscepit, c. innotuit, extr. cod.
3. Si omissis quibusdam gradibus, per saltum promouetur, c. vnico, extr. de cler. per saltum pro. Vnde dicitur in
c. sicut, dist. 48. Casum appetit, qui ad summi loci fasti-
gia, postpositis gradibus, per abrupta quærit assensum.
Et sanè clericus furtitiuè ordinatus, à maioribus Ordini-
bus exclusus, etiam suscepti ordinis executionem, de ri-
gore iuris, non habet, c. innotuit, extr. cod. Et iniuncta
poeniten-